



T'áadoole'é Bína'idíkid Ada'ii'níłgo

United States biyi' ada'ii'níł bił haz'ánidóó niléi hadahaszo dahótsaa sinilígíi dabi'iyi' yídahótníigo t'áá bí bibee haz'áanii dahólqogo bik'ehgo ada'doo'niłígíi bił nahaz'ą. Wáashidoon bibee haz'áanii éi t'áá áłts'ísigo hadahaszo dahótsaa sinilígíi yich'į' anídadilchi' éi beehaz'áanii bik'ehgo yeeda'ósin dooleełigi. Éi biniinaa a'deesh'at jinízingo bá hash'diit'įh dooleełígíi dóó a'da'ii'níł baa hane'ígíi t'áá hoł haz'ánigi bá nahaz'ąđi bił yah azhdoogháál.

Béesh nitsíkeesí biyi' eac.gov/vote bik'ągi jiníł'įhgo hoł béehoozįh t'áá hó hoł hahoozo dahótsaa si'ánigíi éi doodago ha-territory bił haz'ánigi bi-website házhdi'įh dóó ákwe'é hoł hahoodzogi ada'ii'níł bił haz'ánigi jiiłtsééh.

Ada'ii'níł Bína'idíkid Ła' Nááhódlq:

- [National Association of State Election Directors \(NASSED\)](#)
- [National Association of Secretaries of State \(NASS\)](#)

Ada'ii'níł Haayit'éego Naalnish

Hahoodzo hótsaa biyi' kééhasht'ínigíish éi hái ada'ii'níł bee bóhólníih?

Hadahasdzo dahótsaa bił nahaz'ánigóó ada'ii'níł aląąjį' yá naazínigíi dahólq, éi hadahasdzo dahótsaa dóó Wáashidoon bá anída'ii'niłígíi yik'idadéez'įjį' dóó bá yaa nitsídaakees. Ákondi ada'ii'níłgo éi áłts'ísigo hadahasdzo bił nahaz'ąđgóó bee bídahólníih, ákondi łahgóó kintah dah nahaz'ąđgóó bí ada'ii'níł bee bídahólníih. Haadayit'éego da naakigo hadahasdzo dahótsaa bił nahaz'ánigóó ada'ii'níł t'áá aheekt'éego yá naha'áa dooleełígíi éi ádin, áádóó atdó' ła' hahoodzo si'áni góne' biyi' t'áá al'ąą nidahat'á. Łahda diné t'áálá'í sizį éi doodago łah nahat'á haz'ąđ góne', tsin nehasjii' sinilígíi da, éi doodago łahda naaki dóó níwohji' ahiih yikaigo t'áá sáhi ada'ii'níł bee bídahólníih łeh.

America bił haz'ánigíi biyi' ada'ii'níł yee bídahólníhígíi doo t'áálá'í bił haz'ánigi yinaha'áa da niléi al'ąą dahoní'ąđgóó yinidaha'áago áyósin. U.S. biyi' 10,000 dóó bi'ąą ada'ii'níł yee

bídahólníhígíí dóó áájí bibee haz'áanii bídadéét'í'ígíí bił nahaz'á. Díí ada'ii'nííł yee bídahólníhígíí dóó áájí bibee haz'áanii bídadéét'í'igo bił béedahózinígíí t'áá ał'ąą ádaat'é, níléí kin dah naazjaa' ádahoołts'ísídóó diné ákwe'é kéedahat'ínígíí t'áá díkwíhí naakidi neeznádiin daats'í anída'a'a'go bił nahaz'á dóó ts'ídá alááh ánítsoxogo bił haz'ánígíí éí 5 mííłtsoh dóó bi'aan ákwe'é anída'a'a'ígíí hóló. Dahoní'ąągóó ada'ii'nííł bił nahaz'ąągóó diné nidabi'di'neestą'go anída'aníłgi nidaalnishígíí (ał'ąą dah da'ahójáhígíí t'áá át'é ahił nidaalnishgo) t'ah t'áá bítséedi ada'ii'níłgi dóó nitsaago ada'ii'nííł góne' diné ada'iiníłgi yíká anídaajah. EAC bił nahaz'ąągóó ada'ii'nííł yá aląąj' naazínígíí yíká anájah díigi át'éego nizhónigo diné bił na'anishgo ál'j deelníigo ákondi EAC éí doo bí t'áá iyisí bee ídahólníhigo bił nahz'ąą da t'óó áká anídaalwo' t'éiyá. Hótsaago nił hahoodzodóó háílá ada'ii'níłj' aląąj' yá naagháá lá nínizingokojj' díníł'j' eac.gov/vote.

Ada'ii'níłgi áká análwo'ígíí shą' éí ha'át'íí binaanish? Shíshą' haayit'éego áká aná'áwo'j'í atah deesháál?

Ada'ii'níłgi áká anídaalwo'ígíí éí yá'át'éehgo ada'ii'níłgo ádayósin yá'át'éehgo baadayílyeed. Ada'ii'níłgi áká anídaalwo'ígíí éí ada'ii'nííł be'abiní bee ada'ii'níłgi ąą anídayiil'j'j; ada'diyooníłgi hazhó'ó deiníł'j' dóó bee ada'ii'níł yitaayinih; ada'ii'níłgi yíká anídaalwo'; ada'ii'nííł bibee haz'ąąnii hazhó'ó deiníł'j' dóó yik'ehgo ádaat'é; naaltsoos bee ada'ii'níłgi hazhó'ó ałkéé' dayilyeedgo ádayósin, bee ada'ii'níł dóó t'áadoole'é ákwe'é haz'ąągi chodeidoo'j'łgi yaa ádahalyá; ałtso ada'ii'níłgo bee ada'ii'níł dánídei'diłkał; dóó bił haz'ąągi diné yah ahikáahgo ada'iiznıłgi hazhó'ó deiníł'j' t'áá daats'í naaltsoos bee ada'ii'níł adaheesnilyéę bił aheekt'é éí ałch'j' nideinil.

Ada'ii'níłgi áká anídaajahígíí éí nidabi'di'nitin ada'ii'nííł bił haz'ánídóó aląąj' naazínígíí díí diné nideinitin dóó hazhó'ó ahił na'anish yídahooł'aah (ał'ąą dah da'ahójáhígíí t'áá át'é ahił nidaalnishgo). Ada'ii'níłgi áká anídaajahígíí yadadiilnih ada'ii'nííł bibee haz'ąąnii bik'ehgo ádajit'é doolełgi dóó ada'ii'nííł hazhó'ó baa ádahojilyáą doolełgi.

Ada'ii'níłgo atah ada'ii'níłgi áká anáshwo' dooleł nínizingo nił haz'ąągi ada'ii'nííł bá haz'ánigi baa dínáál éí doodago kwe'é díníł'j' helpamericavote.gov.

Háílá ada'ii'níłgo yiníł'j' dooleł?

Ada'ii'nííł deiníł'ínigo hada'asídígíí, łahda "ada'ii'nííł deiníł'íní" wolyé, éí diné t'áá át'é bich'j' ąą át'é ha'asíid dooleł danízingo ada'ii'níłgo binahj' ada'ii'nííł ałkéé' siníłgií hadeisíid. Hadahasdzo dahótsaa bił hadahasdzoígíí t'áá bí bídahóníh háishj' ha'asíid dooleł danízingíí yee nahas'á ákondi bibee haz'áanii dóó éí haadayit'éego ałkéé' noodahígíí bee dahóló ádayósin, áko díí hada'asídígíí éí haadayit'éego dah da'ahójáhígíí ádaat'j' chíih yee adilohii, dzaanééz da yee dah yikahígíí da łá ádaat'j', naat'áanii da yá dayjehígíí, tó wónaanídeę' nidaakaígíí da, ada'ii'níłgo bee ada'ii'níłgi ałch'j' hónidayiil'j'łgi da, bidziilgo

da'ólta' yá nidaakaiígíí da, éi doodago Wáashindoondéé' dóó hadahasdzo dahótsaadéé' bił nahaz'ánígíí da.

Ada'ii'nííł deiníł'ínígíí éi ada'ii'nííł dóó bik'ehgo ałkéé' sinilígíí deiníł'j, doo ada'iiníłígíí haadayit'éego da yił adoosih da dóó doo t'áa sahdii e'e't'ádéę yits'áą' yee dínóot'jįł da. Bee haz'áanii bik'ehgo díi ada'ii'nííł deiníł'ínígíí hóló dóó t'áa ał'ąą ádaat'é hadahasdzo dahótsaa bił hadahasdzogóó. Díi hazh'ó shił bééhózin dooleet nínizingo t'áa ni nił haz'ánigi ada'ii'nííł bá haz'ánigi baa díináatgo bee haz'áanii ada'ii'nííł deiníł'íní bídadeet'i'ígíí bee shił dahołne' didíinił. Béesh nitsíkeesí biyi'jį' ałdó' ada'ii'nííł deiníł'íní hádííł'jįł kwe'é eac.gov/vote.

Háadish éi ałtso ada'iis'nilgo agháníidee'ígíí hoł bééhoozjįł?

A'ii'nííł bits'ánidahgo éi hoł nahaz'ąągóó bee bídahólnihígíí níléi hadahasdzo dahótsaa bił nidahaz'ánígóó yich'j' hódeił'j A'ii'nííł Jj ałtso ada'iisnil dóó bee ada'ii'níł dáda'deeskaalgo. Áádóó t'óó áłtsé bá aghá daneezdee'ígíí hadahasdzo dahótsaa bił nidahaz'ánídóó yaa dahalne'go dah daaznilgo ádeyił'jįł níléi bi-website-gi dóó hane' yá nidaakaiígíí yił dahalni. A'ii'nííł Jj bikéé'dóó díi áłtsé bá aghá daneezdee'ígíí łahgo ádadooniłgo da át'é ada'iisnilígíí t'áa át'é yaa'ahinidéhgo dawólta' níléi naaltsoos hadeidiilaago nídahaasdlá'ígíí dóó provisional yiłnínígíí da t'áa át'é dóó siláotsoi dóó tó wónaanídi ada'iiznilígíí ałtso ahiniidee'go dawólta'. Ada'iis'nilígíí t'áa át'é ałtso dawóltahgo, t'áa át'é ałtso bee lą da'aleehgo, dóó azis canvass wolyéego biyi' bik'ine'et'áah, ts'ídá iiyisí aghá níidee'ígíí naaltsoos bee dah daa'nil dóó baa dahani, łahda díkwíjį da aleeh éi doodago díkwíí damóo da aleeh kótéego baa na'aldeehgo.

Hadahasdzo dahótsaa dóó territory bił nidahaz'ánígóó ada'iis'nilígíí shił béehodoozjįł nínizingo béesh nitsíkeesí biyi'jį' dííł'jįł kojį' eac.gov/vote .

Ha'át'íish biniinaa bá alááh níidee'ígíí łahgo át'jįł ałtso ada'iis'nildóó bitł'éé'? Hahgosh éi bá alááh da'neezdee'ígíí t'áa iiyisí bééhoozjįł?

l'ii'nííł yá aląjį' naazínígíí ada'iis'nil bitł'éé' adahees'nilígíí lą'í dayółtah, ákondi ada'iis'nil bitł'éé' dayéelta'yéę t'óó áłtsé adahees'nilígíí át'é doo t'áa iiyisí dahoneesnánígíí ádaat'éé da dóó doo k'adí hodidoo'nił da. Hadahasdzo dahótsaa bił nidahaz'ánígíí ał'ąą ádaat'éego bibee haz'áanii dahóló naaltsoos ada'iis'nilgo bee yah ahinidéhígíí, provisional deiłnínígíí ałdó', siláotsoi dóó tó niteel bilááhdéé' ada'iiznilígíí dawólta'gi. Bee ééhózinígíí łá hadahasdzo dahótsaa bił nidahaz'ánígóó naaltsoos bee ada'iis'nilgo yaah ahineezdee'ígíí l'ii'nííł Jj góne' ałtso yaah ahidínóodah daaniłgo yee nidhas'ą. Náána łá' éi naaltsoos bee ada'iis'nilgo yaah ahinidéhígíí l'ii'nííł Jj góne'bik'i ni't'ąągo dóó hwíi jįgóó yookkaatgo t'éiyá ilí daaní.

Ada'iis'nilígíí t'áa át'é ałtso yaah ahineezdee'go canvass yiłnínígíí baa ha'aldah azis biyi' góne' bik'i nida'ii'niłgo. Díi kót'éego baa nídiildahgo éi ada'iis'nilígíí hazh'ó daníł'j haadayit'éego ada'iis'nilígíí bik'i hodiinihgo nił'j dóó baa saad haleehgo da náák'ąš

yá'át'éehgo ánáálníł dóo naaltsoos adahees'nilígíí dóo diné ada'iiznilígíí daats'í t'áá aheenéelt'e' ha'níigo. Hadahasdzo dahótsaa bił nidahaz'ánígíí ła' t'áá bí ałdó' naaltsoos adaheesnilígíí hazhó'ó deiníł'j dóo dayółta' t'áá daats'í aaníí yá'át'éehgo ada'iis'nil danízingo.

Díí canvass ałtso ályaago (dóo hadahasdzo dahótsaa bił nidahaz'ánígíí ałtso ada'iis'nilígíí dayiyíłta'go) ada'iis'nilígíí bik'i ne'et'ááh k'ad t'áá át'é ałtso t'áá ákódaat'é ha'níigo. Díí kwe'é baa hane'ígíí canvass yiłnínígíí dóo ada'iis'nil bik'i ne'et'áhígíí hazhó'ó ła' shił bėnááhodoozjł nínízingo kwe'é díníł'jł: <https://www.eac.gov/election-officials/election-results-canvass-and-certification>

Ła' dayijeehígíí dóo haadayit'éego ada'iis'nilígíí baa saad haleehgo éi hazhó'ó naoltah azhá t'áá ídąą' bik'i nida'iis'nil ndi áko biniinaanígíí éi dayijeehígíí t'áá i'iyisí ahíshghahgo bá ada'iis'nil siljł'go yéelta'go éi doodago ła' yilwołígíí dóo ła' dah deiyíkáago bá anída'ii'níłígíí ada'iis'nilígíí hazhó'ó nínéidóoltah daníigo bá ákól'jłh. Ada'iis'nil nínáółtahgo dóo ada'iis'nil hazhó'ó níl'jłgo néel'j'yéę ał'ąą łałhgo át'é ada'iis'nil nínáółtahgo éi ts'ídá t'áá át'é naaltsoos adaheesnilyéę nínáółtah, dóo bá aghá'níidee'ígíí da łałhgo át'jłh ałtso nínáółtahgo.

Da' bee ada'ii'níłígíísh baa hasti'go át'é?

Ada'ii'níł bił haz'ąągi baa áháyanígíí éi t'áá iiyisí ada'e'níł bił nahaz'ánígóo baąą silá. Election Assistance Commission (EAC) éi voluntary voting system guidelines (VVSG) wolyéego hadeidił'jłh, éi ada'ii'níł bił nahaz'ąągóo bik'ehgo dóo binahjł' da'ínísh, ada'ii'níł bił haz'ąągi baa áháyanígíí yéego bidazhdiilkaalgo na'adlo' t'áágéed atah bídeét'igo, bee ada'ii'níłígíí binahjł' bik'i ni'doot'álígíí t'áá át'é bił hadít'ée dooleet. EAC ałdó' voting labs yiłnínígíí yee ła nida'iiłteeh díí bee ada'ii'níł deiníł'jłgo t'áá daats'í aaníí kwe'é bik'ehgo dooleet ádaalyaaígíí yik'ehgo áda'oolíł ha'níigo. EAC anishtah dooleet kwe'é ada'ii'níł bił nahaz'ánígóo bee ada'ii'níł ádaat'éhígíí nabínishtaah dóo bik'i ni'ii'níłígíí atah ásh'jł dooleet jinízingo t'áá hó hóhólníłh, ákondi hadahasdzo dahótsaa bił nidahaz'ánígóo EAC yee nidaalnishígíí dóo yee ak'i nida'iiníłígíí iiyisí deinízin. Hadahasdzo dahótsaa bił nidahaz'ánígóo ałdó' t'áá bí bee bídahólníłh ła' díí ada'ii'níł bee bił nida'anishígíí t'áá iiyisí nanitł'ago ałkéé' sinilgo ádayósin.

Hadahasdzo dahótsaa bił nidahaz'ánígóo dóo ádahoołts'ísigo kin dah naazjaa'góo anída'a'níłgóo yá'át'éehgo yaa nitsídaakeesgo nizhónigo anída'a'níłgi yinidaalnish dóo bee nida'anishígíí yá'át'éehgo yaa ádahalyą dóo ada'iis'nilgo bá alááh da'neezdee'ígíí dawoodłąągo yinidaalnish. T'áadoole'é yá'át'éehgo baa nitsíhákeesgo dabiyéelyeedígíí éi ła' kódaat'é bee bił dah nída'a'níłgo dánídadilkałígíí dahólł, dínóot'jłłgo bits'ąą yéego bee baa áháyanígíí hólł, bee ada'iilkeedí dah naaznilgo ádayósin, bee ada'ii'níł bídaazhnítááh yá'át'éehgo chodeidoo'jłłígíí t'ahdoo ada'ii'níł baa hólzhíshgóo dóo ada'iis'nil bikéedéé', ada'ii'níł nidaalkaah, dóo naach'id dóo yadiłhiłdéé' t'áadoole'é dah naaznilgo bee ada'iilkeedí yee nidaalnish. Hadahasdzo dahótsaa bił nidahaz'ánígóo ałdó' ada'ii'níł yá

aląajj' naazinígíí dahóló éí bee haz'ánii dóó bik'ehgo t'áadoole'é chodaa'jigo dayíyeedígíí hazhó'ó t'áá iyisí bee da'al'jigo ádayósín.

T'áá ákwíí jį t'áadoole'é baa áháyánígíí choo'į ada'iiníł bee nida'doonishígí:

- Ada'ii'níłgi bee ada'diyoo'niłgíí bee nabíhonitaah dóó bee bik'i nida'at'a'ígíí nahaniihgi
- Bee nida'doonishígíí t'áá át'é hazhó'ó nidaasgiz dooleet hoł haz'ánigi bibee haz'ánii dóó bik'ehgo ádahodoo'nił bik'ehgo
- T'ahdoo ada'ii'níłgíí bee ada'idiyooniłgíí hazhó'ó nidaaskáá' dóó bidazhneestą' dooleet yá'át'éehgo nidaalnish dooleetigi chodeidoo'jįt biniiyé
- Ada'ii'níłgi nidaalnish dooleetígíí ałts'ąjį dah da'ahójahígíí aheet'éego ákwe'é nidaalnish dóó hada'asíid dooleet
- Ałtso ada'iis'nilgo ada'iizniłgíí dóó naaltsoos adaheesniłgíí hazhó'ó wólta' dooleet t'áá daats'í aheet'éego yah aníidee' dooleet
- Naaltsoos aheesniłgíí hazhó'ó níl'jį dooleet t'áá daats'í aaníí bee ada'iis'niłgíí naaltsoos aheesniłgíí hazhó'ó yiyíłta' dooleet
- Naaki ał'ąą át'éego oo'íní (ał'ąą dah da'ahójahígíí) nídi'niłgo t'áadoole'é naaltsoos adahees'niłgíí dóó bee ada'iis'niłgíí díí oo'íní bináát nahjigo nii'nił éí doodago náána łahdi nináána'nił
- Aa'adahalyání t'áadoole'é yik'i dadéez'jįgo yaa ádahalyánígíí hazhó'ó yik'i dadéez'jį

Naaltsoos ahi'niłgíí éí t'áá áłahjį' akwe'é hahoodzogi ada'ii'níł yá aląajj' sizínígíí bíłák'ee sinil. Ada'iis'nił dóó bikéédéé' naaltsoos ahi'niłgíí ałdó' níláahdi hazhó'ó hasht'e'nii'nił bidádeeskáaalgo ál'jįh áko bí'niłtahgo atah hazhó'ó naalkaah éí doodago nínáltah. Kwe'é ada'ii'níł baa ahayą hazhó'ó shił bééhodoozjįt nínizingo kwe'é diníł'jįt:

: <https://www.eac.gov/voters/election-security>.

Nił hahoodzo hóttaa éí doodago territory bił haz'ánidóó ada'ii'níł baa ahayąagi tsjįtgo hazhó'ó shił bééhodoozjįt nínizingo kwe'é diníł'jįt [eac.gov/vote](https://www.eac.gov/vote)

Ada'iis'nilgo bá aghááh níidee'ígíí daats'í t'áá wooshłąą dooleet?

T'áadoole'é ał'ąą ádaat'éego dahóló dóó dabiyéelyeed ada'iis'niłgíí t'áá aaníí woodłąągo ada'iis'nił biniiyé. Ada'ii'níł yá aląajj' naazinígíí t'áá nidabi'di'ningo át'é dóó yéego da'íłta'ígíí yits'ąądóó ídahool'aah ada'ii'níł naach'idgi. Ada'ii'níł biyéelyeedgi ts'ídá daats'í naaki dóó níwojį' jilt'éego nidaho'di'neestą'ígíí hóló áko yadazhdiilnih ada'ii'níł bibee haz'ánii dóó ada'ii'níłgi baa áháyánígíí hazhó'ó baa ádahojilyąą dooleet biniiyé. Ada'ii'níł

deinít'jįgo hada'asídígíí, łahda "ada'ii'níł deinít'íní" wolyé éí ałdó' atah da ada'ii'níł deinít'jį łeh hada'asíidgo.

Bee ada'ii'níł dóo naaltsoos adajiiniłgo adahat'ádígíí t'áadoole'é bikáá' naalzhoodgo choo'ínígíí éí nabída'neestáą' yá'át'éehgo dayjjeeh dooleet biniyé dóo bik'i nida'iis'nil [certain accuracy standards](#) binahjį' ádaalyaa. Ada'ii'níł bich'j' hoolzhishgo hadahasdzo dahótsaa bił nahaz'ąągóo bee ada'idiyoo'niłígíí hazhó'ó nayída'nitaah dóo yá'át'éehgo dayjjeehgo yee nidahas'ą. Náá'áldó' hadahasdzo dahótsaa bił nidahaz'ánígóo lą'í ádaat'j t'ahdoo i'ii'níłgóo bee ada'ii'níł dooleetígíí hazhó'ó nidayideinitaah t'áa anída'ii'níł bikéédéé' naaltsoos adahees'niłígíí hazhó'ó nidaníł'jįhgo ádahólsin. Ada'ii'níł yá aląajį' naazínígíí ada'iis'nil hazhó'ó naalkaahgo bí éí naaltsoos adahees'niłígíí hazhó'ó danil'j t'áa daats'í bee ada'iis'nil yolta'ígíí bił aheet'é haníigo. Diné ada'iizniłígíí yaa nitsídaakeesgo ada'ii'níł naalkaahgo éí naaltsoos adahees'niłígíí wóltah dóo bá aládaneezdee'ígíí t'áa aaní dahoneesná. Ada'ii'níł naalkaahgi hazhó'ó ła' baa ná'íidéeshtah nínizingo EAC naaltsoos hadeidiilaagíí biyi' dídí'jįł [Election Audits Across the United States](#).

Nił hahoodzo hótsaa éí doodago territory bił haz'ánídóo ada'ii'níł baa ahayąągi tsjįłgo hazhó'ó shił béehodoozjįł nínizingo kwe'é diníł'jįł [eac.gov/vote](#)

Haashyit'éego éí ada'ii'níł yá aląajį' naazínígíí diné la'da doo naakidi a'doo'ał dago yee nahas'ą?

Democracy ła' yee sizínígíí éí t'áa aaní diné t'ááłá'í sizínígíí t'ááłá'ígo a'doo'ałgo bee bá haz'ą. Ada'ii'níł yá aląajį' naazínígíí t'áa íiyisí yaa ádahalyą diné ada'iiniłígíí t'ááłáhídi ada'doo'ał ada'ii'níłgo, éí doodago diné ada'iiniłígíí ła' t'ááłá'í dóo biláadi (bee ééhózin, diné naagháhíidóo i'í'ahgo dóo tóo ákqó áyiilaago áádóo Ada'ii'níł Jįgo ada'ii'níł góne' yah íiyáago anáá'doo'ah biniyé), ada'iiniłgo yaa nídiikah ákondi t'ááłá'í i'ootahgo t'éiyá bee haz'ą ho'dí'niih. Doo kódooníłígíí biniinaa ada'ii'níł yá aląajį' naazínígíí diné ada'iiniłígíí naaltsoos bízhi' dabikáa'go nideijaah, dóo hadahasdzo dahótsaa bił nidahaz'ánígóo ádaat'j a'doot'ał naaltsoos bá hadilyaaígíí dóo díkwiidi aní'jį'a'go naaltsoos dabiká'ígíí náána ła' hadahasdzo dahótsaa bił nidahaz'ą naazniłígíí naaltsoos ałhíshghah nídeinilgo deinít'j łeh. Ada'ii'níł yá aląajį' naazínígíí éí naaltsoos t'áa íiyisí t'áa át'é diné ada'iiniłígíí baa dahane' dabikáa'go nideijaah háadilá naaltsoos bee ada'ii'níłígíí baa yíłtsooz, áádóo éí naaltsoos daats'í eet'ahgo yaa halne'.

Diné ła' a'doo'ałígíí doo bá bee lą aleehgóo (bee ééhózin, doo atah bízhi' bikáa' da naaltsoos ada'iiniłígíí yízhi' dabiká'ígíí, i'doo'ałígíí binaaltsoos doo ałtso hadilyaa da éí doodago i'doo'ałígíí t'áa íídąą' naaltsoos bee ada'ii'níł bich'j' ályaa dóo doo i'í'áada dooleet bí'dooniidgo), provisional éí doodago fail-safe wolyéhígíí da áájįgo a'díi'ał bi'dí'niih. Naaltsoos bee e'et'áad provisional wolyéhígíí t'áa sahdii sinilgo óólzin dóo hazhó'ó dínool'jįł dóo atah yídóoltah ada'ii'níł yá aląajį' naazínígíí yee lą asłjį'go t'áa aaní bijįghah azh'doo'ałígíí dóo ada'ii'níłgo t'ahdoo a'jį'áadgóo.

Ał'ąą át'éego dah da'ínéhígíí dzaanééz dóó bichííh yee adilohii łahjí atah hanáádi'deeshdlíít jinízingo éí t'áá a'doot'ał biniiyé bá hada'dilne'ígi át'éego hash'diit'jijh.

Ła' hadahasdzo dahótsaa bił nidahaz'ánígóó a'doot'ał biniiyé hazh'diléehego háájíłá atah níłj daaníigo altsé bee hajidzih dóó ájiił'jijh áko índá a'doot'ał biniiyé hazh'diit'jijh, nááná łá' éí doo atah jíłínígíí doo dayókeed da. Hahoodzo hótsaa bii' kééhót'ínígíí atah jíłínígíí yókeedgo éí naaltsoos bee i'ii'níłí bikáa'gi nahó'dóki' dóó ákwe'é ájiił'jijh.

Ła' hadahasdzo dahótsaa bił nidahaz'ánígóó ts'ídá ádeehajidzih bee atah hojílónígíí áko índá altsé ada'ii'níł baa hanidéhígíí bá hoo'aahgo índá a'jii'a'. A'da'ii'níł hótsaa bił náhoot'aah góne' (November yizíłígíí biyi' łeh) éí a'jii'áadgo índá dah da'ahíjahígíí t'áá hó jinízínígíí bá a'jii'a' azhą doo bá atah jíłj da ndí.

Nił hahoodzo hótsaa éí doodago territory bił haz'ánídóó ada'ii'níł baa hane'gi tsjįłgo hazh'ó shił bééhodoozjįł nínízingo kwe'é diníł'jįł eac.gov/vote

Haash yit'éego aná'ash'a'ígíí ániidí anáálníł (yízhí, naaltsoos nináhájeehgi, bá aná'ash'a'go dah yikahígíí, ákódaat'éhígíí)?

I'ii'níł bá hazh'diit'jijhgo łahgo át'éego ánídeeshdlíít jinízingo éí t'áá a'doot'ał biniiyé bá hada'dilne'ígi át'éego hash'diit'jijh. I'ii'níł bá hazh'diilaago łahgo át'éego ánídeeshdlíít jinízingo kót'é:

- Łahjii' ninéini'náago
- Nízhi' łah át'éego iinilaago
- Dah da'ahójááh bá ha'diishłaa yéę łahgo át'éego ádeeshłíít jinízingo
- Djí' nááhai azłjį' t'áadoo i'í'áhí

Nił hahoodzo hótsaa éí doodago territory bił haz'ánídóó ada'ii'níł bá hazh'dile'go baa hane'gi tsjįłgo hazh'ó shił bééhodoozjįł nínízingo kwe'é diníł'jįł eac.gov/vote. Naaltsoos ałdo' ájiił'jijh [National Mail Voter Registration Form](#) bich'jį' t'áá nił haz'ą anída'at'a'ígí. Díí naaltsoos ałdo' a'doot'ał biniiyé háádi'deeshłíít jinízingo chojooł'jijh hadahasdzo dahótsaa bił nidahaz'ánígóó ákondi North Dakota, New Hampshire, dóó Wyoming éí dooda, dóó ałdó' diné dabizaad 21 ał'ąą ádaat'éego yee yádaalti'ígíí hóló.

Haash yit'éego naaltsoos bee aná'ash'a'go shaa hane' biká'ígíí nánish'jijh dooleet?

Hadahasdzo dahótsaa bił nidahaz'ánígóó t'áá bí ał'ąą ádaat'éego bibee haz'ánii dahóló i'ii'níł bá, naaltsoos a'doot'ał biniiyé hazh'diilaa yéę bee lą ajileehgo atah. T'áá hó ałdo' hanaaltsoos a'doot'ał biniiyé hazhdiilaagíí hazh'ó házhdi'jijh béesh łich'ii nitsikees biyi'jį' éí doodago hoł haz'ąagi ada'ii'níł bá haz'ánigi yah ajighááh. T'áá íídąą' naaltsoos bee i'ii'níł

náhadít'éego, hazhó'ó díí hanaaltsos jiníł'jįh t'áá daats'í aaníí t'áá át'é dabiká'ígíí t'áá ákódaat'é, ániid łahgo nináájínaago dóó házhi' łahgo át'éego ájiilaago íyisí jiníł'jįh.

Nił hahoodzo hótšaa éí doodago territory bił haz'ánidóó ada'ii'níil bá hada'dil'ini baa hane'ígíí kééhojit'inígí hólónígíí tsįįłgo hazhó'ó shił bééhodoozįįł nínizingo kwe'é diníil'jįł eac.gov/vote

Haash yit'éego aná'ásh'a'ígíí nahjį' hadeeshtsos?

Hadahasdzo dahóššaa bił nidahaz'ánigóó dóó t'áá hoł hahoodzo i'ii'níil bá haz'ánígí t'áá ał'ąą ádaat'éego ádeił'j anída'at'a'ii bá ha'dít'éhígíí naahjį' hadooltsos daníigo. Ná ha'dít'éego dóó shá naahjį' hadooltsos dóó doo iljį da shá ádoolníł jinízingo, t'áá hoł haz'ánígí i'ii'níil bá haz'ánígí háká adoojah. Nił hahoodzo hótšaa éí doodago territory bił haz'ánidóó ada'ii'níil bá nahaz'ánigóó hazh'dí'jįh tsįįłgo hazhó'ó hoł bééhodoozįįł jinízingo kwe'é házhdí'jįh eac.gov/vote

Haash yit'éego aná'a'a'ígíí k'ad doo naaltsos shaa nináhájeehgi kééhat'jį dago baa hojilnih éí doodago aná'a'a'ígíí ádingo?

Haadayit'éego da háida doo bił nighan da siljį'góó éí doodago ádin siljį'go naaltsos bee ada'ii'níil baa nálwodgo ada'ii'níil bá haz'ą níighahgi hólónígíí bił hodíilnih.

Naaltsos bee ada'ii'níil t'áadoole'é dabiká'ígíí t'áá áłahjį' hazhó'ó ániid ájooliitgo ál'j. Hadahasdzo dahóššaa bił nidahaz'ánigóó t'áá át'é ada'ii'níil bá hada'dilyaaígíí t'áá ahąąh hazhó'ó dabiká'ígíí ániidgo a'dayósin, ákondi łahda ada'ii'níil bá nahaz'ąągóó diné łahgóó anáanáá'nánígíí éidoodago diné ádinígíí doo bił béédahózin da łeh. Nił hahoodzo hótšaa éí doodago territory bił haz'ánidóó ada'ii'níil bá nahaz'ánigóó hazh'dí'jįh tsįįłgo hazhó'ó hoł bééhodoozįįł jinízingo kwe'é házhdí'jįh eac.gov/vote .

Ada'ii'níil Ał'ąą Ádaat'éhígíí

Haash yit'éego Ada'ii'níil bijį t'áá shí yah adeesháłgo a'deesh'a'?

Hadahasdzo dahóššaa bił nidahaz'ánigóó ada'ii'níil bá nahaz'ąągóó diné yah agháłgo a'doo'łgo bee bá haz'ą l'ii'níil Jį góne'. Ła' hadahasdzo dahóššaa bił nidahaz'ánigóó diné ła' a'deesh'łł nínizingo níléi ła' ada'ii'níil bá haz'áni góne' a'díi'łł bí'diniih, náána ła' éí ada'ii'níil bá nahaz'ąągóó yá ádayósin ákwe'é ada'iiniłi yah adoogháłgo a'doo'łł t'áá ada'ii'níil bił hoodzo bá nahaz'ánigóó bii' bighango.

Nił hahoodzo hótšaa éí doodago territory bił haz'ánidóó ada'ii'níil bá nahaz'ąągóó ana'í'a' dooleełgi, oolkił góne' ąą ádaat'éhígíí dóó t'áadoole'é bee éédahózinígíí jootjįł dooleełgi (naaltsos bikáá' jįzdáhígíí da) tsįįłgo hazhó'ó shił bééhodoozįįł nínizingo kwe'é diníil'jįł eac.gov/vote .

Haash yit'éego Ada'ii'nííł bijí t'áá bítséedi a'deesh'ał?

Lą'í hadahasdzo dahótsaa bił nidahaz'ánígóó diné ada'iiníł danilínígíí yá nahas'ą l'ii'nííł Jj t'áá bítséedi adeesh'ał daanígo. Ła' hadahasdzo dahótsaa bił nidahaz'ánígóó l'ii'nííł Jj t'áá bítséedi a'doot'ałígíí niléí ada'ii'nííł bił nahaz'ąądi t'éiyá bá haz'ą dabi'di'ni, dóó nanana ła' éi niléí t'áá kwíighah anída'a'nił bił haz'ánigi azh'doo'ał t'áá niléí l'ii'nííł Jjidi a'jii'ah nahalingo. Nił hahoodzo hótsaa haz'ánigi daats'í l'ii'nííł Jj t'áá bítséedi yah ajigháahgo azh'doo'ałgo bee haz'ą dóó háadi éi házhdí'jįh hahoodzo hótsaa hoł haz'ánigi éi doodago territory bił haz'ánidóó ada'ii'nííł bá nahaz'ánígóó hazh'dí'jįh kwe'é eac.gov/vote dóó 'Absentee/Mail and/or Early Voting Information' biká'igi bił azhdilchi'.

Haash yit'éego Ada'ii'nííłgo a'deesh'ałígíí t'óó naaltsos bee ada'ii'nííł nát'ąą' ájiił'jįh?

Hadahasdzo dahótsaa bił nidahaz'ánígóó t'áá át'é bibee haz'ánii dahóló naaltsos haa nináhájeehidóó a'deesh'ał jinízingo. Ła' hadahasdzo dahótsaa bił nidahaz'ánígóó naaltsos haa nináhájeehidóó a'deesh'ał jinízingo biniinaanii hólóqogo t'éiyá daaní, ła' éi t'áá naaltsos haa nináhájeehidóó a'deesh'ał níigo t'áá bił da'áko, dóó náána ła' éi bił nahaz'áni góne' diné kéedahat'ínígíí t'áá ałtso t'óó naaltsos bee a'doot'ałi naaltsos baa ninádahajeehgi yich'į' ádeile'. Bee ééhózin dooleełígíí naaltsos haa ninádahajeehidóó a'deesh'ał jiníigo biniinaanii hólóqogo t'éiyá daaní éi hatah doo ákóhoot'éégóó, haa'í da tizhdiidzaago, ha'át'éegi da hach'į' nahwii'náago, náás honáahaigo, l'ii'nííł Jjgo hoł haz'ánidóó ch'aa nijigháago, haghan bits'ąądi bidziildi da'ólta'igi ółta'í jįłjįgo, éi doodago siláotahdi nijigháago. Naaltsos haa nináhájeehidóó a'deesh'ał jinízingo naaltsos bee ada'ii'nííł ła' hach'į' ályaago yah anídoot'ałgi hazh'óó baa ákozhnizin dooleeł t'áadoo bee e'e'ááhí nát'ąą' ánizhdoodlíł há atah yíłta' dooleeł jinízingo (naaltsos nát'ąą' náálwołgo ałdó' baa ákozhnizin dooleeł).

Absentee wolyéhígíí éi doodago naaltsos haa nináhájeehįjį' naaltsos bee ada'ii'nííł ła' hach'į' ályaago hazh'óó bik'ehgo ázhdoołtígíí yizhdoołtah haayit'éego hadidoolnítígíí dóó hahgo nát'ąą' ánidoolnítígíí.

- Naaltsos bee ada'ii'nííł naaltsos biih náłtsosgo nát'ąą' ájiił'jįhígíí bikáa'gi náidíkidígíí hazh'óó ałtso hazhdił'jįh. Ła' hadahasdzo dahótsaa bił nidahaz'ánígóó naaltsos há bik'i ni'it'ááh éi doodago oo'ini ła' bízhi' áyiił'jįh naaltsos biih hiníł bikáa'gi áko índá nát'ąą' ánizhdoodlíł daaní.
- Naaltsos biih náłtsosígíí t'áá íídąą' postage bik'é ni'ilyá níigo t'óó nát'ąą' ájiił'jįh, ákondi doo t'áá íídąą' bik'é ni'ilyáágóó éi hazh'óó postage t'áá bíighahgo bik'é nijilééh t'ahdoo naaltsos bee ada'ii'nííł biih jįłtsosgóó áádóó índá aji'a'.

- [USPS recommendation](#) ániigo_éi naaltsoos bee ada'ii'níí naanálwodgo áádóó nát'áá' ánánídléehgo t'áá'í damóo yidziihgo da t'áá' ánídíídlíí t'ahdoo bił e'e'aahgóó áko yilwołgo t'áá bíghah dooleet.
- Ada'ii'nííł bił haz'ání bibee haz'ánii bik'ehgo naaltsoos bee ada'ii'níí t'áá hó da yah azhdoogháałgo yah anízhdooltsoos éi doodago drop box wolyéhígíí biih jįłtsos hoł hahoodzogi.

Lá'í hadahasdzo dahótsaa bił nidahaz'ánigóo ada'iiníí binaaltsoos adayiiz'ah yęę yikéé' dadéez'įį' béesh lichí'ii nitsíkeesí bee nideiłkaah haa'í lá yilwoł danízingo.

Shooh: Ada'ii'nííł yá alájį' naazínígíí t'áá sahdii nił haz'ánigíí yéego yaa ádahalyá, dóó la'ígóo ałkéé' honi'áągo t'áá sahdii nił haz'ánigíí yaa yįjádeiyílníihgo yaa ádahalyá. Ada'ii'nííł yá alájį' naazínígíí naaltsoos yikáá' ádayoolił naaltsoos bee i'ii'níí daats'í iiní'ahgo, ákondi doo bił béédhózin da háí shįį bá i'íiní'ahígíí.

Hane' ła' hánáádídéesh'įįł naaltsoos haa nináhajeehgo ada'ii'nííł yaa halne'ígíí nił hahoodzo hótsaa bił haz'ání góne', dóó ada'iiníí binaaltsoos adahees'ahígíí yikéé' dadéez'įį' béesh lichí'ii nitsíkeesí bee nideiłkaahígíí haa'í lá yilwoł danízingo baa hane'ígíí kwe'é niniłį eac.gov/vote.

Naaltsoos haa nináhajeehgo ada'ii'nííł bee bá ahóót'i'ígíí

Nił hahoodzo hótsaa bił haz'ánigi éi doodago ada'ii'nííł bił haz'á níghahgi hólónígíí baa nidíniitaat ada'ii'nííł ałáą át'éego bee bá ahóót'i'ígíí naaltsoos bee ada'ii'nííł jókeedgo, bikáá' ni'jizogo, dóó nát'áá' ániįidle'go. ła' hane' bee shił nááhodoonih kwe'é naaltsoos haa nináhajeehgo ada'ii'nííł bee bá ahóót'i'ígíí nínizingo t'áá shọđí kwe'é niniłį [Best Practices: Accessibility for Voting by Mail](#).

Haash yit'éego drop boxes wolyéhígíí naalnish?

ła' hadahasdzo dahótsaa bił nidahaz'ánigóo ada'iinííł yee yá nahas'á naaltsoos baa ninádaheezjée'go nát'áá' ánídayiidlaa/naaltsoos absenteego adayiiz'niłígíí drop box t'áá iiyisí dáda'dashjée'go yah anídayiizjaa'. Drop boxes choo'įįgo éi naaltsoos ínideeljahígíí doo choo'įį da, biniinaanígíí éi ada'iinííł t'áá bí binaaltsoos yee ada'iizniłígíí niléí ada'ii'nííł bá haz'ánidi yah anídayiijááh, áko doo naaltsoos haa ninádahajeehídóo choo'įį da. Díí kót'éego át'éhígíí éi ada'iinííł bá yá'át'ééh háálá ła' doo bá dabiíghah da naaltsoos haa ninádahajeehídóo choidoo'įįłígíí.

E'ji'áadgo drop box choizhdooł'įįłigi:

- Naaltsoos bee i'í'ádígíí naaltsoos bee naanálwod yęę biih díłłtsos dóó hane' wókeedgo naaltsoos bee naanálwodígíí bik'ígíí ałtso hadííłíł. ła' hadahasdzo

dahótsaa bił nidahaz'ánigóó há bik'i ní't'áągo éí doodago oo'íni há bízhi' yikáá' áyiilaago yee nidahas'á naaltsoos bee e'oot'a'hígíí nát'áą' ánálnéehgo.

- Bee i'íini'ahígíí yah anánítsóosgo drop box biłh dííłtsos nił haz'ánigi. (Shooh: drop box bikáa'gi hazhó'ó dínííł'jįtgo t'áá íishjání daats'í haz'á bił hahoodzo, kin dah shijaa' éí doodaga kintah yázhí dah naazhjaa'ígíí biyi' kééhót'ínigíí bízhi' bikáa').
- Drop box choiníł'jįgo íishjáą t'áadoo l'ii'níł Jį e'e'aahí dóo t'áadoo dá'dilkaatí bee i'íini'ahígíí yah anídíłtsos.

Hadahasdzo dahótsaa bił nidahaz'áni t'áá bí bibee haz'ánii dóo bik'ehgóó áhodooníłgíí dahólq drop boxes baa áháyaągi. Díí baa áháyaągi bee haz'ánigíí éí ałdahnát'áhi éí doodago yéego bidádeesh'jee'go, bee ada'iilkeedí dah si'ąągo, dóo béesh da'ahólzha'í bąąh siláago bee haz'ánii bik'ehgo. Ła' hadahasdzo dahótsaa bił nidahaz'ánigóó dóo nidahaz'á dahótsaagóó éí drop boxes naat'ánii bá dahooghangóó éí doodago nidahaz'á t'áá iiyisí baa ádahayáągóó t'éiyá naaznil dooleet daaní. l'ii'níłt ya aląąjį naazínigíí (a'ąą dah da'ahijahígíí atah daniljįgo) t'éiyá bee bá haz'á naaltsoos bee i'ii'níłt drop box biyi'dóo hadayiiniłtgo. Haalá yit'éego i'ii'níłt ya aląąjį naazínigíí díí drop boxes hazhó'ó baa ádahayáago ádayósinígi hazhó'ó ła' shiłt bėnááhodoozjįł nínizingo [guidance](#) biká'igi dínííł'jįt EAC dóo Cybersecurity and Infrastructure Agency (CISA) yitnínigíí ádayiilaagíí drop boxes chojooł'jįgo yá'át'éehgo baa áháya dóo bik'i ádeest'jį'gi.

Béesh tich'ii nitsíkees biyi' eac.gov/vote biká'igi dínííł'jįt nił hahoodzo hótsaa éí doodago territory bił haz'ánidóo drop boxes daats'í chodaa'j kééhonit'jįgi.

U.S. bił haz'ánidóo iiyisí naashá, ákondi náála' kéyah dah náánást'ánigíí biyi' shighan. Haash yit'éego a'deesh'ał?

Siláołtsooí dóo tóniteel biláadi kééhonit'jįgo ada'ii'níłtgi t'óoyóí bich'j' nidahwii'náago anída'a'a'. Łą'ígóó bee baa ádahayá, Wááshindoon bibee haz'ánii ádaaní (1) Siláołtsooí dóo tóniteel biláadi kééhonit'jįgo anída'a'a'ígíí béesh tich'ii biyi'jį' hazh'didoolíłt dóo ła' haa nídoolwoł, dóo (2) naaltsoos bee i'ii'níłt ła' hach'j al'jįh 45 jį Wááshindoondóo ada'ii'níłt haleehgo t'áá bich'j'. La'í hadahasdzo dahótsaa bił nidahaz'ánigóó níléí siláołtsooí dóo tóniteel biláadi kééhonit'jįgo anída'a'niłgíí yéego yaa ádahalyá ada'ii'níłt t'áá át'é baa nídahwiilzhiishgo doo Wááshindoon bá ada'ii'níłtgo t'éiyá da.

Hadahasdzo dahótsaa bił nidahaz'ąągóó bibee haz'ánii dabik'ehgo tóniteel biláadi kéédahat'ínigíí daats'í t'áá aaní hadahasdzo dahótsaa bił nidahaz'áni góne' bí kéédahat'íni góne' ada'ii'níłt daniljįgo bízhi' atah daaszoh. Siláołtsooí dóo tóniteel biláadi kéédahat'ínigíí t'áá át'é yit dabighanígíí t'áá bił a'deesh'ał danizingo [Federal Voting Assistance Program](#) (FVAP) dazhnił'jįgo háká iilwo'. Ada'iiniłt díí FVAP bi-[Voting Assistance Guide](#) choyooł'jįgo ada'ii'níłt baa hane' háidídóo'jįt hahoodzo hótsaa bił haz'áni naaghádóo dóo naaltsoos bee i'íiniłt wókeedgi dóo nát'áą' ánídaalne'gi bił bééhodoozjįt.

Aná'á'a'í nishłj áko t'áá shí shídeét'i'go shibee haz'áanii shə' éi ha'át'íí?

Hadahasdzo dahótsaa bił nidahaz'ąągóó bibee haz'áanii dahóló t'áá bí t'éiyá bídadéét'i'go i'ii'níłł biyeelwołgi, ákondi Wáashindoondéé' bibee haz'áanii hóló łá' jizł bee haz'áanii t'áá hó t'éiyá hódéét'i' dóo hak'isti'gi i'ii'níłł bídeét'i'gi há hóló U.S. biyi'dóo. Wáashindoon bits'ąądóo The 1965 Voting Rights Act ániigo éi diné a'ąą ádaat'éhígíi doo t'áá a'ohgo baa nitsidaahakees da dóo hadahasdzo yázhí nahaz'ąągóó diné t'áá át'é bíká anídajilwo' dooleet i'ii'níłł bił haz'ąągi ákondi t'áá naakíhí haz'ánigi t'éiyá dooda, dóo the Help America Vote Act ániigo éi (1) ada'iiníłł ada'diyooniłgo bee bá haz'ą t'áá bí sizínígíi dóo t'áá sahdii doo baa náhát'ínigóo, (2) i'ii'a'go naaltsoos bee i'ii'ahígíi t'ahdoo ii'áadgóo łahgo át'éego ánídeeshdliłł níigo éi doodago hazhó'o ádeeshłiłł níigo bee bá haz'ą, dóo (3) ada'iiníłł yá nahas'ą provisional éi doodago fail-safe yiłnínígíi a'deesh'ał níigo.

I'íiní'ahgo t'áá ni bee sínízłgi nibee haz'áanii hóló

Wáashindoondéé' i'ii'níłł bibee haz'áanii hólónígíi níká analwo' t'áá ni bee sínízłgi nibee haz'áanii dóo i'ii'níłłgi atkéé' sinilgo ádaal'ínígíi. Baa nitsáhakeesgo, ada'iiníłł e'e'áadgo bibee haz'áanii bik'ehgo hodadooníłł:

- Atah akéé' sizłgo ada'diyooniłł bił haz'ánigi azhá ada'ii'níłłgi dá'deelkaal ndi
- Doo ákwí'iilaagóo naaltsoos bee i'ii'níłł łá' nááyidookił
- Provisional-jł bee i'ii'níłł łá' yízhdookił naaltsoos bikáa'gi doo házhi' atah yiszogóo
- Shíká a'doowoł ch'ééh naaltsoos bee i'ii'níłł yínishta' éi doodago ch'ééh bik'i'diishtłłh jiniigo t'áá hó hazaadjí choidoo'jłł
- T'áadoo hoda'ats'ihí dóo saad hó dee'áhí dooleet i'j'i'áadgo

Hats'íis bich'j' nahwii'náago a'j'i'áago

Wáashindoondéé' bibee haz'áanii hak'isti' hats'íis bich'j' nahwii'náago a'j'i'áago. Íiyisi hódadéét'i'ígíi hach'j' nahwii'náago bee haz'áanii bik'ehgo kót'é:

- T'áá sahdii dóo t'áá hó t'éiyá azh'doo'ał
- A'j'i'áadgi diné bich'j' nidahwii'nánígíi hazhó'ó bá hasht'edahót'éego ádahoolyaago dóo i'ii'níłł yíghahgo bá ádaalyaago

Ada'iiníłł ádooníłłgi:

- Áká anáwo'í diné bich'j' nidahwii'nánígíi yíká analwo'go nabi'di'neestą'ígíi jóki'go háká adoolwoł ad'ii'níłł bił haz'ánigi, éi doodago

- T'áá háida háká adoolwołígíí bił ji'ash ada'ii'níłgi

Ada'iiníł hane' da ła' yóki' ada'ii'níł bee na'anishígíí, ada'ii'níłgi háká aná'áwo'gi, dóó absentee ha'niigo e'et'ádígíí ááji bidadéet'i'go dahólónígíí.

Díl kwe'é hane' ła' náánínídzingo eac.gov/vote biká'igi díníł'jįł éi doodago U.S. Election Assistance Commission bich'į' hodíłnih kojį' 866-747-1471 éi doodago naaltsoos naat'a'í ádíłłíł kojį' listen@eac.gov. Americans with Disabilities Act baa hane'ígíí éi hóló kwe'é ada.gov.

Náásgóó ła' baa nááháne'ígíí

Aláadi nił hahoodzo biyi' i'ii'níł baa hane'ígíí ada'ii'níł bá hadadilne' dóó ada'ii'níł bibee haz'ánii éi nił hahoodzo bił haz'ánigi éi doodago t'áá ni nił hahoodzo áłts'ísigo haz'ánigi anída'iiníłgi dahóló. Hahoodzo hótsoo biyi' nił haz'ánigóó éi doodago territory bił nidahaz'ánigóó ada'ii'níł bi-website díníł'jįł kojį' eac.gov/vote .

Wáashindoondóó bibee haz'ánii Civil Rights Division bi-website-gi díníł'jįł kwe'é justice.gov/crt/voting-section.

Wáashindoondóó bibee haz'ánii i'ii'níłji hódéet'i'ígíí dóó hak'isti'go baa hane'ígíí dóó i'ii'níł t'áá át'é baa hane'ígíí kwe'é nínił'į usa.gov/voting dóó vote.gov.